



Tusagassiorfinnut nalunaarut Pressemeddelelse

Naalakkersuisunut ilaasortat COP17-imi Durbanimi ingerlanneqartussami silap pissusaa pillugu isumaqatiginninniariartulerput

01. december 2011
Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail: iaan@nanoq.gl
www.nanoq.gl

Silap pissusaanut tunngatillugu oqallinnermi Kalaallit Nunaata immikkut inissisimanerata paasineqarsinnaalernissaa naatsorsuutigalugu, Naalakkersuisut siulittaasuata Tullia aammalu Ineqarnermut, Attaveqarnermut Angallanermullu Naalakkersuisoq Jens B. Frederiksen, aamma Nunamut Namminermt, Avatangiisinut Pinngortitamullu Naalakkersuisoq Anthon Frederiksen sapaatit akunneranni tulliuttumi FN-ip nunat tamalaat akornanni silap pissusaa pillugu ataatsimeersuartitsineranut COP17-imut, Afrikami kujalermi Durbanimi ingerlanneqartussamut peqataajartorlutik aallassapput.

Silap pissusaa pillugu ataatsimeersuarnissaq novembarip ulluisa 28-anniit decembarip ulluisa qulingiluaannut ingerlanneqassaaq, tassungalu silap pissusaanut ministerit immikkullu ilisimasallit nunarsuarmit tamaneersut katersuutissapput.

Silap pissusaa pillugu inatsisitigut pituttuisumik nutaamik isumaqatigiissuteqarnissaq kissaatigineqarluni, nunarsuarmi COP17 sioqqullugu isumaqatiginninniarnepassuit ingerlanneqarsimapput. COP17-imi ataatsimut siunnerfiit qaffasinnerulernissaannik isumaqatigiinneq siuarsarneqassasoq Naalakkersuisut neriuutigaa. Silap pissusaa pillugu isumaqatigiissut tutsuiginartuussasoq, aammalu nunarsuarmi ataatsimut akisussaaffiusut, allanngorartulli ersersinneqassasut Kalaallit Nunaannit kissaatigineqarpoq.

Nunat issittut nunarsuarmi allanut sanilliullutik kissakkiartornerat sukkanerummat ilu-moortuuvog. Silap pissusaasa allannguutaat inuiaqatigiinnut kalaallinut unammilligassanik annertuunik, tamatumalu peqatigisaanik periarfissanik nutaanik nassataqarpoq.

”Kalaallit Nunaat nunaavoq ineriartortoq, tassanilu aningaasaqarnikkut namminiilernis-sarput qulakkeersinnaanarlugu ineriartortitsinissarput kissaatigaarput. Silap pissusaanut naleqqussaaniarluta suliniutitsinnut eqqarsaatigisassanik tamanik ilaatitsinissarput, ta-matumalu peqatigisaanik nunani tamalaani silap pissusaa pillugu oqallinnermut sunnee-qataaniarnermi peqataanissarput pingaaruteqarpoq. Kalaallit Nunaat misilittakkanik pit-saasunik tunniussassarpassuaqarpoq. Tassami nunami ineriartortumi silap pissusaata eqqarsaatigineqarsinnaaneranut Kalaallit Nunaat uppernarsaatissaavoq. Nukissiuutinut ataavartunut, pingaartumillu erngup nukinganik innaallagissiorfinnut siunissamut unga-sissumut aningaasaliisarnitsigut, ineriartornissamut nungusaataanngitsunik tunngavissa-liisimavugut. Taamaattumik COP17-imut peqataanissami siullermik pingaarnertullu pis-sutsit immikkut ittut, inuiaqatigiinnut Kalaallit Nunaanniittutut ittunut atuuttut eqqumaffi-gneqalernissaat anguniassavarput”, Ineqarnermut, Attaveqarnermut Angallanermullu Naalakkersuisoq aamma Nunamut Namminermt, Pinngortitamut Avatangiisinullu Naalakkersuisoq Anthon Frederiksen oqarput.

Jens B. Frederiksen aamma Anthon Frederiksen COP17-imi immikkoortunut pingaarnermut, ataasinngornermi decembarip ulluisa tallimaanniit tallimanngornermi decembarip ulluisa qulingiluaannut ingerlanneqartussanut peqataassapput. Aamma Naalakkersuisunut ilaasortat Durbanimiinnerminni aallartitat soqutigisaqartullu allat illugiilluni niueqatigiinnissaq pillugu ataatsimeeqatigissavaat. Ilaatigut Naalakkersuisup Jens B. Frederiksenip Danmarkimi silap pissusaanut ministeri Martin Lidegaard ataatsimeeqatigissavaa.

COP17 pillugu paasisutissat

COP17 – the 17th Conference of the Parties to the United Nations Framework Convention on Climate Change – silap pissusaa pillugu ataatsimeersuarnerit 17-issaraat, nunanit, FN-ip silap pissusaata allannguutaannut sinaakkusiussatut isumaqatigiissusiaanut akuersisimasunit peqataaffigineqartussa.

Ataatsimeersuarnissaq pillugu paasisutissat annertunerusut nunap tikeraartitsisussap nittartagaa <http://www.cop17-cmp7durban.com> aamma FN-ip silap pissusaanut allattoqarfiata nittartagaa www.unfccc.org aqutugalugit pissarsiarineqarsinnaapput.

Annertunerusumik paasisaqarusunnermi:

Naalakkersuisoq Jens B. Frederiksen attaveqarfigineqassaaq, oqarasuaat angallattagaq 587606